

## LA STEILA DEL PIEMOUNT\*

Dal prim di ch'j'eu fait la sapa  
D'cantè d'arie in stil monfrin,  
Per gnun Prinssi, per gnun Papa,  
J'eu mai fait el buratin.  
Senssa mai perde l'aplit,  
Pr'esse pover, pr'esse pcit,  
Sospirand, j'aussava 'l frount  
Vers la steila del Piemount ?

E i sperava... Ma da Viena,  
Ecco un ordin barbaresch ;  
Ma da Rouma, neuva scena,  
Ecco un sant al butir fresch.  
Cosa mai, cosa aspetè  
Con d'frà scauss e da scaussè,  
D'cavajer, d'baron e d'count,  
Da la steila del Piemount ?

\* A tutti è noto come in questi giorni il Re di Piemonte si levasse la prima volta in cospetto

Ogni volta ch'a spuntava  
Senssa nuvole un pò d'soul,  
Dal fond dl'anima i sclamava,  
Là, coust di a l'è propi coul.  
Quanti seugn, quante illusion,  
Quanti ingan ! quanti magon !  
A galopa a so tramount,  
Povra steila del Piemount !

Alto là!... Cos'elo staje?...  
Su la faccia al sbirri Alman,  
Tira tira, daje daje,  
Ecco un re ch'a fa 'l sovràn.  
E dla goj e del piasì  
Im arviscolo dco mi,  
E j'acceto soussi a count  
Da la steila del Piemount.

Se aj Ingleis la Providenssa  
Con d'tartiffe a mola 'l bast.  
A peul dco l'indipendenssa  
Vni per noui dal nebieul d'Ast.  
Gnun a les ant el destin :  
E chi sa che sul Tesin  
Ai farflouch i ciamo i count  
Sout la steila del Piemount !

dell'Austria colla dignità di sovrano indipendente  
nella questione dei sali e dei vini.

Italian, da Reggio a Susa,  
 E dall'Adige al Monsnis,  
 Vedève forse un ciair ch'a lusa  
 Per coust pover nost pais?...  
 E da già che un pcit lumin  
 A paress dal Valentin,  
 Salutouma a l'orisount  
 Cousta steila del Piemount.

E'è tant temp ch'l'aquila Alman  
 An sgarbela 'l'cheur e 'l prè,  
 Che d'Italia la campana  
 A peul nen tardè a sonè,  
 Dla sventura i soumia fieui!  
 Ma chi sa ch'i peusso ancheuj  
 Vendichè j'antich afrount  
 Sout la steila pel Piemount.

Roma, Napoli, Fiorenssa,  
 Turin, Genova, Milan,  
 Parma, Rimini, Cosenssa,  
 Bologneis e Sicilian,  
 Tuti, tuti, tuti unì,  
 Con la man dsoura 'l fusi,  
 Italian, su tnomse prount  
 Sout la steila del Piemount.

25 maggio 1847.